

Ad Sereniss. & Potentissimum Principem

**C O S M V M I I.**  
**MAGNUM ETRVRIAE**  
**DUCEM QVARTVM.**  
**Epitreptica Oratio.**

**MARCI AURELIJ RONCHII**  
*Sac. Theologiae, & J. V. Doctoris*  
*Bononiensis.*

Qua maiorum suorum securus exemplum se suaq. ei  
 obsequia omnia dicat, & consecrat.



R O M A E,  
 Apud Bartholomæum Zannettum. M. DC. XI.

**SVPERIORVM PERMISSV.**

Adhuc in P. M. Sac. Pat.

II M V M 2 O O

MAONVM TRVRIAE


M V T R A V O M H O V D

*Imprimatur si videbitur. R. P. M. Sac. Pat.  
Apostolici*

Y H O V C A S A R F I D E L I S V I C E S S.

Y H O V C A S A R F I D E L I S V I C E S S.

*Imprimatur Fr. Damianus à Fonseca Mag. &  
Socius Reuerendiss. P. Fr. Ludouici Ystel-  
la Sacri & Apostolici Palatij Magistri Or-  
dinis Prædicat.*



HA M O R

IX DE M. 1700

1700

SERENISSIMO PRINCIPI  
**COSMO MEDICI**  
 MAGNO ETRURIAE DVCI,  
 Epitreptica Oratio.

MARCI AVRELIi RONCHII  
*Sacra Theologia, & I. V. Doctoris Bononi.*



IRVM fortasse, tibi fuerit Ma-  
 gne Dux Cosme; ecquid mihi,  
 quem tanto Principi nulla meri-  
 torum fama commendat; consi-  
 lij fuerit, gratissimas occupatio-  
 nes tuas; quas potentis Etruriae  
 populis feliciter moderandis su-  
 stines; oratione mea neque verbis elaborata, neque  
 exornata sententijs interpellare. Nimis certe licentiae  
 & intempestivae cuidam audaciae me id forte tribueres  
 vereretur, nisi tam in te esse humanitatem pro certo sci-  
 rem; qua quosunque non vulgares clarissimi tui no-  
 minis cultores, respicere non dedignaris. Sed cum suae  
 erga te observantiae, ceteri quidem communes quas-  
 dam habeant causas, antiquissimi claritudinem generis,

fortunæ opulentiam, imperij magnitudinem, adde  
 etiam præstantissimas & Regias animi dotes, quibus  
 excellis, ego me peculiari quadâ & eximia ad te colen-  
 dum ratione impelli agnosco, quam ubi aperiero, non  
 dubito quin æquisimam & iustissimam esse fateare.  
 Ad studium enim venerationemq. in Serenissimam  
 Medicarum familiam, non nunc primum, casu quo-  
 dam, aut subito consilio adducor, sed hereditarium à  
 maioribus meis hoc seruituris obsequium traho, ut nisi  
 in eo perseuerare, omni alia cogitatione prætermissa  
 contendam, indignus plane ijs, à quibus sum procrea-  
 tus, ac degener debeam existimari. Præterquam au-  
 tem, quod natura comparatum est, ut omnes quoad  
 fieri potest, quacunque in re Maiorum suorum similes  
 se esse studeant, idque honestè fieri arbitrentur, tanto  
 magis, ego mihi meorum in hoc vestigia sequenda esse  
 intelligo, quanto maiore iudicio Principum eos dele-  
 ctum fecisse video, in quorum se fidem ac clientelam  
 traderent, quibusque honorificè possent, & cum di-  
 gnitate deseruire. Itaque ex quo à prima pueritia Me-  
 dicæ patronos benefactoresq. nostros celebrari in pa-  
 ternis laribus audiebam, gratulabar ipsemet mihi, quod  
 sub huiusmodi Regali patrocinio succrescendum mihi  
 foret, quod confirmatæ ætatis meæ firmissimum futu-  
 rum esset præsidium, ac munimentum. Ignosce quæso  
 Potentissime Princeps, si spem hanc, iam inde à tene-  
 ris audacter concepi, quando testata gloriosissimæ gen-  
 tis tuæ in Ronchiam familiam nostram beneficia, &  
 cum tenaciter cordibus infixæ, tum crebris usurpata

Majo:

5

Maiorum meorum sermonibus, hoc mihi animi & fiducia addebant. Ex hoc ipso fonte, mea hæc ad te scribendi audacia nata est. Quid ut facerem? Quod cum sapientissimo atque inuictissimo Principe Ferdinando cuius dignissima proles es, facere cæperam; ut nempe vnus ex eo ordine hominum, qui litteras profitentur, & cum in Iurisprudentiæ, tum in Philosophiæ ac Theologiæ campis, qualicunque versatus ingenio, tibi me indicarem, horumq. studiorum, si qui ex me fructus possent existere, eos Celsitudini tuæ offerrem identidem ac dicarem. Nam illi quidē prouidentissimo parenti tuo, cuius memoriam egregijs belli pacisq. facinoribus gloriosissimam omnis colet posteritas sæculorum, eorundem studiorum meorum quondam primitias obtuli; siue cum Bononiæ Vrbe patria optimarumq. artium altrice, Iuris vtriusque Thæses publice disputauī, siue cum in arce gentium, Romæ Philosophicas Theologicasq. assertiones proposui, vtriusque in certaminis arenam, sub eius inuictissimi nominis tutela, ac patrocinio ausus descendere. Clara tum Herois illius in me benignitas extitit, qui nec delata sibi litteraria munuscula respuit, quinimo ita perhumaniter accepit, ut diffidentem me proprijs viribus in ancipiti dimicatione, beneuolentia sua erexerit, auctoritatē confirmarit, & ex ea stirpe agnitum, quæ iam pridem se Mediceæ familiæ, totam addixisset, & consecrasset, spem iniecerat fore, ut illius beneficentiæ fontes, qui tot ante Maioribus meis ex ista Regia Aula manantes interclusi nunquam fuerant, mihi quoque aliquando

aperirentur. Successisti tu Inuictissimæ Cosme Ferdinando, heres non virtutum minus & gloriæ, quàm imperij & ditionis eius, cum quidem protinus mens omnis, cogitatioq. mea, in te vnum conuersa est, ad quem tanquam faustissimum Helices, aut Cynosuræ sиду, cursum dirigerem omnium meæ vitæ rationum. Inuitant ea quæ supra significauī, quinimo vrgent & stimulant me Maiorum exempla, ex quibus iam inde ab eo tempore, quo altiora Medicæi dominatus fundamenta Florentiæ iacta sunt, Æneas Ronchius auus meus, Patria digressus, ad Alexandrum se Ducem contulit, cumque vir esset militari rei deditus, animoq. & manu promptus, nec mediocriter in armis exercitatus, ita ab illo Duce exceptus est, vt in militiam eum statim suam adscriberet, cohortibusq. præponens, ad illius temporis pericula depellenda, fideli ac strenua eius opera plurimum vteretur. Tulit ille tum Alexandri iudicio optimi Ductoris laudem in omni bellico munere, siue instruendæ copiæ essent, siue stationes seruandæ, siue locus tuendus, siue egrediendum in hostem, siue prælium conferendum, siue sanguis pro ipso cui militabat Principe profundendus. Apud quem sanè rebus sedatis, confirmatoq. imperio, ita deinceps vixit, vt ab eius latere nunquam discederet, cuique semel dixerat sacramentum, ei perpetuam fidem obedientiamq. seruaret. Sed vt Æneæ dextera Alexander Dux militariq. opera usus est, ita fratrem eius ac maiorem auunculum meum Gelasium Sarasinatem Episcopum, eiusq. nepotem Ioannem Antonium sibi successorem

sorem consilij, rebusq. quæ animo magis, quam corpore geruntur adhibuit, quibus quidem & in deliberationibus capiendis multum credidit, & legationes ad Principes Respublicasq. mādauit, quibus illi cum prudenter, tum feliciter obitis, non mediocrem ab eo gratiam reportarunt: Neque verò caprum ab istis sagato vno, togatis alijs erga Medicæum nomen, studium in illis ipsis desijt, aut extinctum est, quinimo non interrupta serie traductum ad posteros esse video & propagatum. Obuerfantur enim ante oculos Hieronimus parens meus, eiusq. frater Maurelius, qui ambo ab inclyto Cosmo, qui Magni cognomentum in Serenissimam familiam vestram intulit, militaribus copijs præfecti, cum alijs locis, atque temporibus, tum acerrimo illo in primis Senensi bello, præclara facinora, atque exempla fortitudinis ediderunt. Testatum est nobiliū voce scriptorum, & clarissimis historiarum monumentis, quid illi egerint in oppugnatione Urbis, quantumq. ad eam consequendam victoriam, virtus vtriusque contulerit, quippe cum non resistentium hostium multitudo, non crebra ænearum pilarum eiectio, non districtorum ensium fulgor, non arduus, ac difficilis loci situs eos deteruerit, quo minus primi murum ascenderent, aditumq. signifero facerent, vt Medicæum vexillum in sublimi erigere ac collocare posset. Vereretur equidem, ne cum hæc ad domesticam, & ad meam aliquo modo laudem pertineant iactantius à me dici viderentur, nisi eò omnia spectarent, vt appareat quæ à maioribus tuis, in meos

beneficia collata sunt, ea non temere, atque fortuito; sed summa cum ratione collata fuisse. Ac cetera quidem sigillatim recensere prætermitto. Illud est omnium beneficiorum maximum, illud præmium amplissimum, illa perpetua quædam & nunquam deficiens remuneratio, quod Ronchiæ familiæ nostræ semper Serenissima Medicæa Domus patuit, nec ullo vnquam tempore, Regia ista Aula viris mei sanguinis caruit, qui ei fidelis seruitutis operam, & obsequium exhiberent. Est hoc proprium, & perenne nobilissimi vestri generis, quos semel fidos sibi deuotosque probarit, eos perpetuo complecti, propagare beneficia parentum in posteros, fauorem denique, amoremque suum continuare, In natis natorum, & qui nascentur ab illis. En & hoc ipso tempore Æneas Germanus meus apud te Inuictissime Cosme viuit tibiq. seruitutis operam præstat, tua gratia fruitur, tuis opibus fouetur, sustentatur, ornatur, vt in ista sanè fortuna ille se beatissimum putet. Etenim quod initio dicere cæperam, non possum non maiorum meorum commendare prudentiam, qui cum & in Italia, & in remotis terris inultos esse viderent Principes, cum diuicijs affluentes, tum imperio ac ditione potentes, ceteris omnibus posthabitis, sese ad Magnanimos Medicæ Gentis Heroas potissimum applicuerunt. Quid potro aliena Regna trans Alpes, aut Pyreneos, aut longius forte gentium quærerent, vt obnoxij exteris fierent; cum domi, atque in Italiæ luce clarissimos haberent Proceres, quorum excellens gloria multorum

Regum



9  
Regum luminibus, admirabili quodam splendore virtutis officeret. Vitabo comparationis inuidiam, dicam id, quod verissimè dici potest, Medicæorum Gens ingentes quosdam spiritus ab ipsa natura tulit, quibus præstanti disciplina, per longam æui seriem auctis & confirmatis, tantam sibi auctoritatem atque potentiam, virtute duce comparauit, vt ei florentissima pace, belloq. Respub. fasces submiserit, consilijsq. eius diu feliciter gubernata, imperio tandem illius totam se potestatiq. tradiderit. Cæpit hoc præclarissimæ familiæ meritum, cum multo antea, tum Magni præsertim illius Cosmi temporibus Florentia agnoscere, cum inusitatis quibusdam, & immortalibus ab eo beneficijs affecta, ad specimen grati animi declarandum (quem honorem nulli vnquam antea detulerat) Patrem eum Patriæ publico decreto appellauit. Huius tanta tamque celebrata prudentia fuit, vt ad eius consilium, vel pacis, vel belli difficultatibus remedia quærentes Potentissimi Principes Regesq. confugerent, adeo vt ea tempestate, qua multis intestinis dissidijs Italia, Europaq. omnis agitabatur, hic pro arbitro grauissimarum controuersiarum, à partibus eligeretur. Hic Florentiam non mœnibus tantum muniuit, sacrisq. & profanis ædificijs, splendore summo & magnificentia exornauit, sed sanctissimis legibus, atque institutis non ad suum, sed ad Populi commodum excogitatis sapienter firmavit, & euulsis, quæ gliscebant seditionum seminibus, in pacatissimo tranquillitatis statu constituit. Hic cum esset omni  
liberali

liberali doctrina excultus, non ignarus quantum bonæ artes utilitatis vitæ humanæ afferrant, rei litterariæ patrocinio suscepto, euocatos ad se vndique viros doctos, & eruditos ita amplexus est, vt domus eius, ceu Ptholomæi illius quondam Philadelphi Regia, admirabili eorum numero, velut clarissimis astris refulgeret, ad quam pulsi è Græcia Turcarum armis oppressa complures, tanquam ad asylum, portumq. tutissimum confugerunt, per quos effectum, vt extinctæ pridem in Italia Græcæ litteræ reuiuiscerent, & in summum splendorem adducerentur. Hic denique cum adeo diuitijs abundaret, vt Crassis posset, & Lucullis, & Cæsaribus adæquari, non congere eas, ac coaceruare, ac sub claustris habere, aut in superuacaneas, & noxias voluptates effundere gaudebat, sed quod sapientes sanctiq. viri præcipiunt, pulcherrimum illarum fructum existimabat, communicare cum cæteris, & in vsum, vel publicum, vel priuatorum referre, maximeq. bonis in egestate constitutis ac benemeritis liberaliter elargiri. Ex quibus factis, alijsq. à nobilissimo animo profectis, tantam sibi Vir ille mortalium omnium beneuolentiam conciliavit, eiusmodi apud posteros sui nominis memoriam reliquit, vt nihil iucundius, nihil eo splendidius commemorari possit. Longior equidem essem, Serenissimæ Princeps, si quantum in hoc parente Patriæ commoratus sum, tantum in singulis, orationis consumere vellem, qui ex eo prognati clarissima tui generis lumina extiterunt. Quantâ enim ad dicendum materiam

Petrus

Petrus hoc patrē dignissimus suppeditaret, in quo quas in Cosmo experta erat virtutes, ita Florentia recognovit, ut in eo auctoritatem, potentiamq. paternam continuare non dubitarit. Quam multa de Laurentio prædicari possent deq. Iuliano Petri filijs, quibus Deo sic disponente cōtigat, ut duos Romanos Pontifices modico interuallo, ille quidem Leonē decimum, hic vero Clementem septimum procrearet? Quid ipsis Pontificibus clarius? Quorum Leo suorum temporum felicitas, incredibili cum in omnes, tum præcipuè in bonarum artium studiosos vtens munificentia, aurea orbi terrarum sæcula retulit, Clemens & si inter aduersa pleraque iactatus, tanta animi fortitudine, atque constantia ex illis emerfit, ut & pacatam Ecclesiam moriens reliquerit, & primus statum Serenissimæ vestræ Domus, hoc quo hodie potitur Imperio confirmarit. Eius regimen ab Alexandro susceptum, sic ad magnum illum Cosmum auum tuum transijt, ut quemadmodum sub Augusto olim Cæsare Roma, ita sub eo Florentia omnisq. Etruria mirabiliter triumpharit. Cuius quidem Virtus tanta fuit, tamque longe ac late propagata gloria, ut quod Historicus quidam de Carthagine præfatur, satius ducam de illo silere, quam pauca dicere. Serenissimum Franciscum item patruum tuum, qui & ipse Principem se laudatissimum præbuit transcurro atque prætereo. Ac ne de Ferdinando quidem Clarissimo patrē tuo quidquam mihi commemorandum statuo, ne res ab eo, vel in toga, vel in armis, vel domi, vel foris, vel mari,

mari, vel terra præclarè gloriosèq. gestas in angustum coarctans deteram illas tenuitate orationis meæ, atque imminuam. Vigeunt omnium sæculorum memoria domi ab eo sapienter constituta, actasq. mari vel terra, de Barbaris prædas, & posita de illis trophæa omnis ætas admirabitur atque obstupescet. Quorsum igitur hæc de tot tantisq. progenitoribus tuis Magne Dux Cosmæ, commemoratio pertinet? Vel quid ea ad rem meam facit? Maxime sanè, nempe ut summa ratione Maiores meos adductos ostendam, qui gloriosissimæ Medicæ Genti se peculiariter in famulatum dederint, patrociniumq. vestrum omnibus omnium Regum nominibus prætulerint, cum quidem euentus ipse certissimus rerum magister, nihil ab eis sapientius fieri potuisse comprobarit. Vbi enim Virtus imprimis dominatur, inde qui eò studiosi illius cōfugiunt, meritò bona omnia sperare possunt. Quod igitur cum proavis atavisq. tuis iidem Maiores mei fecerunt, hoc ipsum me ad te colendum venerandumq., magne Dux Cosmæ, excitat atque inflammat, cum quidem videam te, ita & parentis tui Ferdinandi, & cæterorum Medicæ stirpis, Heroum virtutes æmulari, ut quod ex eis splendoris accepisti, multo eisdem plenius, & cumulatiuis sis redditurus. Ac tibi quidem Etruriæ principatum non ita pridem aggresso, nondum ea edere facinora licuit, quæ gentes omnes egregiæ tuæ Virtutis consciæ sibi in tempus insequens pollicentur. Ut se enim initia dant, de futuris progressibus omnes facile coniecturam faciunt. Nam & exemplis in-

stitutisq.

stitutisq. Magni illius Cosmi ac Ferdinandi parentis  
 insistis, adeo vt Religio, Pax, Clementia, Iustitia,  
 Virtutesq. omnes sub imperio tuo lætissimè floreat,  
 flagitiorum, scelerumq. omnium pestes, quam longis-  
 simè explodantur, bonæ artes præmijs & honoribus  
 excitatæ caput erigant, maximoq. in honore habeantur.  
 Tum sicut Clarissimus parens Ferdinandus, ita &  
 ipse terror ingens Thraci Tyranno perfidisq. omnibus  
 hostibus es, qui nihil tam, quàm egressum inuictæ  
 tuæ Classis maria peruolantis, & robur militum tuo-  
 rum pertimescunt. Quas mihi Deus immortalis vi-  
 dere videor Barbarorum strages? Quæ reportata de  
 hostibus spolia? Quas celebratas victorias? Quas au-  
 dire videor ouantis Etruriæ acclamationes, secundi  
 Cosmi nomen, ac propemodum numen ad astra tol-  
 lentes? Rata hæc obsecro faxit Deus, mihiq. conce-  
 dat vt Serenissimæ Celsitudini tuæ per ea tempora de-  
 seruiens triumphorum tuorum, & spectator & præco  
 esse possim. Interim quod huius qualiscunque ora-  
 tionis meæ institutum fuit, memini, Magne Cosme,  
 domus meæ erga Medicæum nomen venerationem  
 atque obseruantiam, quippe quæ laribus semper ve-  
 strum nomen miscuit, vti Græcia Castoris, & magni  
 memor Herculis; Prosequor Maiorum meorum ve-  
 stigia, qui pace belloq. Maioribus tuis fidam ac dili-  
 gentem operam nauauerunt, æmulor fratris, qui ti-  
 bi hoc ipso tempore famulatur, exemplum. Tibi  
 denique, Serenissime & inuictissime Cosme, litteraria,  
 studia mea, labores meos, atque vigilias, ac quic-  
 quid

quid vnquam, vel animo, vel corpore valeam, me-  
 que ipsum totum do, dico, consecro, nihilq. mihi  
 optatius esse significo, quàm vt in Serenissi-  
 mæ Mediceæ domus, ac tuum per-  
 petuum obsequium vitam  
 impendere, extre-  
 mumq.  
 spiritum effunde-  
 re conceda-  
 tur.

